

Kontuola

ANTZUOLA / Egubakoitza / 2004ko urtarrilaren 30a / 187. zenbakia

KOORDINATZAILEA: Aintzane Irizar • Barrenkalea 33, 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Kiroldegi berriaren aurreproiektua eginda

AINZANE IRIZAR

Orain dela bi aste Jose Angel Zabalo alkateak aurkeztu zituen proiektuen artean, kiroldegi berriarena azaldu zien herritarrei. Kiroldegiaren aurreproiektua eginda dute dagoeneko; behin betiko proiektua, baina, oraindik ez dakite noiz egingo duten.


Aurkeztutako proiektuen artean, kiroldegiarena izango da, seguruena, lehenengo aurrera eramango dutena; izan ere, gaur egungo frontoia bota eta han etxebizitzak, erretiratuen egoitza, anbulatorioa eta abar egin ahal izateko, lehendabizi, kiroldegia egin beharko dute.

Dena dela, Izartu programako dirulaguntzen mende dago proiektu hori, gainerako guztiak bezala. Eusko Jaurlaritzari aurkeztuko dizkio Udalak lehengon jendaurrean aurkeztutako proiektuak, eta horiek Izartu programan onartzea espero dute.

AURREPROIEKTUA EGINDA

Kiroldegi berria izango denaren aurreproiektua dagoeneko eginda dago; proiektua noiz egingo duten, baina, oraindik ez dakite Udaleko arduradunek. Ingenieria XXI enpresak egin du aurreproiektua.

Gutxi gorabehera, Udalaren asmoak zeintzuk diren ikusten da aurreproiektu horretan. Dena dela, proiektua egiteko, herriko kirol taldeetako arduradunekin



Kiroldegia Iriarte eta Zupide baserrien artean egitea aurrez ikusten dute.

berba egin eta euren iritziak ere hartuko ditu kontuan Udalak.

KIROL GEHIAGO EGITEKO AUKERA

Alkateak azaldutakoaren arabera, kiroldegi berria izango den eraikinak bi zati izango ditu, bi mailatan eraikita: maila altuegan, frontoia, gimnasioa, aldagelak eta abar egiteko asmoa dute. Beheraxeago, berriz, hainbat kiroletarako pista: eskubaloia, saskibaloia, areto futbola... Eraikinaren bigarren zati horrek tei-

latu laua edukiko du; horrela, gainera aldean, esaterako, tenis pistak egiteko aukera egongo da.

IGERILEKURIK EZ

Kiroldegiaren aurreproiektuan, baina, ez dute igerilekuriak aurrez ikusten. Dena dela, igerilekua egiteko aukerarekin "koherentea" den eraikina izango dela azaldu zuen Jose Angel Zabalo. Hots, etorkizunean igerilekuak egiteko aukera ematen duen eraikina izango dela.

FUTBOLA

Kadeteen taldeak aurrera jarraituko du

AINZANE IRIZAR

Azkeneko asteotan kolokan egon da kadete mailako futbol taldearen etorkizuna. Antzuola Kirol Elkarteko zuzendaritzak, baina, taldearekin aurrera jarraitzea erabaki zuen aurreko egubakoitzean egin zuen batzarrean.

Taldeko entrenatzaileek eta jokalariek, hala ere, eguaztenean egin zuten batzarrean erabaki zuten egokiena taldea desegitea izango litzatekeela. Izan ere, azkenaldian, jokalariek justuekin zebiltzan. Gainera, gazte mailan ere antzera dabilzanez, kadete

mailako sei bat jokalarik bi taldeetan jokatu behar izan dute asteburu askotan.

Hori ikusita, entrenatzaileek eta jokalariek eurek erabaki zuten ezin dutela aurrerantzean horrela jarraitu.

Beste erabaki bat ere hartu zuten zuzendaritzak: kadete mailako bi jokalariek gazte mailako taldera pasatzea eta kadete mailan, berriz, infantil batzuk hartzea. Behin aldaketa horiek egin da, horrela geratuko dira bi taldeak: kadeteen taldeak hainbat jokalarik izango ditu eta gazte mailako taldeak, berriz, hamabi.

LABUR

Santa Ageda eskean irtengo dira hainbat herritar datorren eguaztenean, hilak 4

Urtero moduan, kintoak eta Antzuolako Abesbatza hilaren 4an Santa Ageda bezperan, irtengo dira Santa Ageda eskean. Antzuolako Abesbatzako kideek 18:30ean hasiko dute eskea. Herriko Plazatik irtengo dira eta herri osoan zehar ibiliko dira.

Oraingo asteburuan ere zabalik egongo da Espainiako gerraren gaineko erakusketa

Aurreko asteburuan zabaldu zuten Espainiako gerraren gaineko erakusketa Orlan etxean. Oraingo asteburuan ere zabalik egongo da, 12:00etatik 14:00etara eta 18:30etik 20:00etara. Sabino Arana kultur elkargoaren ¡Nunca más! Gerra irudiak 1936-1939 erakusketa eta Debagoieneko fusilatuen lagun eta senideak taldearen Hazia erein zenutenoi erakusketa daude ikusgai.

**LEKY-BERRI
MERENDEROA**

Janariak
eta
edariak

Tf. 943 76 60 94
ANTZUOLA



INDUSTRI MANTENIMENDUA

Jose
Gomez
Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegoi 21, ANTZUOLA Tel.: 943 76 64 23



ELKARTASUNA

Sahararako 602 kilo elikagai batu dituzte

AINTZANE IRIZAR

Gipuzkoako herri gehienetan bezalaxe, Antzuolan ere Sahararako elikagaiak eta dirua batzen ibili dira, Saharar Errepublikar Arabiar Demokratikoaren Lagunen Elkarteak deituta. Olioa, lekaleak, azukrea, arroza... Guztira, 602 kilo elikagai batu dituzte.

AINTZANE IRIZAR

Bi astean Sahararako elikagaiak eta dirua batzen ibili dira herrian. Guztira, 602 kilo elikagai eta 1.832 euro batu dituzte; 232 euro batu dituzte herritarren artean, 1.000 euro Anelkarrek jarri ditu -aurrez antolatutako hainbat ekitalditan batutako dirua, hain zuzen- eta Udalak, herriz, Saharari laguntzeko 600 euroko diru-laguntza ematea erabaki zuen.

Aurreko egubakoitzean, batutako elikagai guztiak 39 kaxatan sartu eta Bergarara eramán zituzten; handik, inguruko herrietan batutako elikagaiekin batera, Alacantera eramango dute batutakoa kamioetan, eta Alacantetik, itsa-

sontziz, Oranera garraiatuko dute; azkenik, Oranetik Tindoufeko sahararren kanpamendutara (Aljeria) bidaliko dituzte elikagaiok.

Hona hemen herrian batutako elikagai kopurua, zehatz-mehatz: 111 litro olio, 77 kilo pasta, 10 kilo zereal, 126 kilo arroz, 58 kilo azukre, 20 kilo atun eta 200 kilo lekale batu dituzte.

BETAURREKOAK ERE BIDALI DITUZTE

Anelkar Antzuolako Elkartasun Taldeak, diruaz eta elikagaiez gain, betaurrekoak ere bidaliko ditu Saharara, iaz bezala. Betaurrekoz betetako lau kaxa bidaliko dituzte. Iazko kanpainaren barruan, Fronte Polisarioak Euskal Herrian duen delegazioko ordezkari Salem Embarek izan genuen herrian, berbaldia eginen. Hantxe, Anelkarreko kideek Saharara betaurrekoak bidaltzeko aukera aipatu zioten. Oso ondo iruditu zitzaion, eta halaxe egin zuten; aurten ere gauza bera egitea erabaki dute. Herritarren artean batutakoak eta Bergarako optika denda batek emandakoak dira betaurrekoak.

LABUR

Hautesleen errolda ikusgai dago astelehenera arte

Martxoaren 14an egingo diren hauteskunderi begira, dagoneko ikusgai dago hautesleerrolda udaletxean, datorren astelehenera arte, otsailak 2. Interesa dutenek errolda hori aztertu eta, nahi izanez gero, erreklamazioak egiteko aukera izango dute.

Eskolako jolastokia errentan hartzeko aukera egongo da

Herri Ikastetxeko jolastokia edo kirolgunea errentan hartzeko aukera egongo da aurrerantzean. Halaxe erabaki berri du Udalak. Egutero, 18:00etatik aurrera hartu ahal izango da errentan. Asteburuetan ere egongo horretarako aukera. Orduko sei euro kobratuko dituzte, eta, jolastokiaz gainera, aldagelak, dutxak eta argia izango dituzte. Erreserbak egiteko, udaletxera deitu beharko da.

Horrela, gazteei, batez ere, kirola egiteko aukera zabala goa eman nahi izan diete.

Ipuin kontaketa arrakastatsua

Zapatu arratsaldean umez bete zen Udal Liburutegia; izan ere, Oihulari Klown taldeko Joanes eta Anduriña ipuin kontalaria etorri ziren. Ipuin mordoa kontatu zituzten, eta gustura geratu ziren ume guztiak. 18:00etan hasi zuten lehendabiziko emanaldia, ume txikienendako. 30 bat ume egon ziren. Bigarren saiora, herriz, 36 ume joan ziren. Udal Liburutegiko arduradunen asmoa da ipuin kontaketa saioekin jarraitzea. Seguruena, datorren hilean bertan egingo dute hurrengo saioa./A.I.

KIROLA

PARTIDUAK

FUTBOLA
Urtarrilak 31
16:00: Antzuola-Axular (Gazteak)
Otsailak 1
12:00: Antzuola-Soraluze (Kadeteak)

EMAITZAK

FUTBOLA
Antzuola 1 Lagun Onak 1 (2. erreg.)
Beti Ona 0 Antzuola 2 (Gazteak)
Ikasberri 6 Antzuola 1 (Kadeteak)
Antzuola 0 Bergara 5 (Neskak)

HERRITARRENHITZA/ Jone Lete · Ikaslea

Hezkuntza, guztion esku

Gure herri txiki hau urtez urte handituz doa. Hamaika etxebizitza egin dituzte eta inguruko herrietako etxebizitzaren prezioak direla eta, makina bat jende etorri da kanpotik Antzuolara bizi izatera.

Gero eta jende gehiago bizi bada ere, herriko eskaintzak ez dira era berean handitu. Poliki-poliki aurrera baldin bagoaz ere, gauza ugari dago faltan herrian. Baina goraipe-dezagun ondo egingo dagoena.

Hezkuntzara inguratuz, orain dela urte gutxira arte herriko eskola bakarrean ez zegoen jangelarik, baina

gurasoen borrokaz eta indarrak, umeendako jangela bat jartzea lortu zuten.

Orain, hemendik gutxira "haurtzaindegia" jartzeko asmoa omen dago. Baina haurtzaindegia baino haur eskola deitzea egokiagoa iruditzen zait, ez baita izango haurrak aparkatzeko leku bat, edo behintzat, ez luke izan beharko. Haurrak hezteko leku bat izan beharko litzateke, hain zuzen



"Haur eskola ez da izango haurrak aparkatzeko leku bat"

ere. Herrian beharrezkoa iruditzen zait 0-2 tarteko eskaintza egotea (3-12 badago). Izan ere, gaur egungo familietan normala da bai aitak eta baita amak ere lan egitea, eta besterik ezean haurrak kanpoko haurtzaindegietara eramaten dituzte. Eta hau gurasoentzat ez da oso erosoa. Gainera, herrian aukera hau badago, haurrarentzat ere hobea izango da. Txikitatik ondoren bere

gelakideak izango direnekin heziko baitira.

Ahala eta guztiz ere, kon-tuan hartu behar da haurrak gurasoekin ahalik eta denbora gehien egotea komenigarria dela, haurraren onerako.

Beraz, gurasoei zera aholkatuko nieke, bakoitza bere haurraren ahalik eta denbora gehien egotea. Hala eta guztiz ere, zerbitzu hau egotea herriaren onerako izango da eta, nola ez, haurren heziketarako ere ona izango da, era egoki batean eginen bada. Beraz, erabili ditzagun egoki herrian jarriko diren eskaintzak.

LARREA
TABERNA
Kalebarren 17
ANTZUOLA

MUJIKA HARATEGIA

Berezitasunak: Etxean hazitako zekorrek eta oilaskoak
Kalebarren, 1.
ANTZUOLA
Tf. 943 76 64 34

AITZ-GARBI
taberna jatetxea

Pintxoak eta kazuelatxoak.
Bazkariak eta afariak
Kalebarren 15. Tf. 943 78 70 51
ANTZUOLA

Juan Cruz
ARGAZKIAK
Ezkontza erreportaiak
Jaunartze erreportaiak
Momentuko argazkiak
Estudioko argazkiak
BITXITEGIA
Marrokineria
Erlojuak, Bitxiak
Opari gaiak
Herriko plaza 4. Tel. 943 78 70 66. ANTZUOLA